

石雲山人詩集

石雲山人詩集卷十二

歸省第三集

乙酉丙戌有序

南海吳榮光伯榮

道光乙酉歲吾父春秋七十有五八月中浣余  
在黔南藩署得家弟彌光書以父年高多病旦  
夕思子顧家有次丁格于成例未能告養輾轉  
數日乃決然以十九日具牘請照京官之例乞  
假四月省親力求當事者始以入告摺甫出榮  
光再奉 恩命護理黔撫遂于謝摺內復申  
前情十月二十一日得 旨允准並蒙

傳諭新任貴州布政使富呢揚阿由楚至黔接  
護撫篆俾榮光得交卸起程伏讀百叩不知所  
報乃先遣大兒尙忠侍眷回粵省視十一月二  
十五日富君至黔受代余卽以二十六日首途  
丙戌正月行抵家門吾父感激歡慰遂占勿藥  
五月假滿篤促北行八月至京蒙 恩召對  
垂詢備至遂裒在黔候代及至京銷假諸作彙  
存爲第三集附于己未庚午歸省詩之後  
曠典自榮光始詩中紀述特加詳備焉

乞假省親述別四首

豈敢懷安去

君恩乞暫還賦詩離集樹讀易水逢山

程春海學使爲  
撰著遇中孚之

蹇

歲熟歸途樂民淳宦轍閒天涯如念我橡樹正爛斑

余捐廉五百兩  
導民種橡育蠶

烟槩五經出

刻宋岳氏相臺  
五經散布翼序

風簷四百開

添貢院號舍  
四百十間

夜燈吾結習秋榜此多才粵北雲千嶺黔南水一杯趨

庭他日話應許學詩來

遠徵論交地臣心感共知廿年游子路四月簡書期去

在事山集卷之十一  
住憐槃敦

在省司道

風雲又節麾

春海移節楚南

三湘與五嶺豫恐

說分岐

兩假巡黔節辛勤及一年每于文武會共戴

聖明天感激同袍志雍容五緘篇瀕行期努力

黼座正求賢

恭接

恩詔四首

屏營一疏告懷歸泥首

天書到似飛親老尙令懃報答

君恩眞許念庭闈每慚職繫旬宜重何意身能定省依  
深感

太平生物遂不勞歌雅采柔薇

再讀

溫綸重自驚卅年陳力負平生兢兢臣節期瓜代榮請

俟新任撫臣到黔交卸款款

天心爲策行撫篆傳榮光交卸起程百二

恩暉春日月給假四月三千歸路客簪纓由黔至粵三千里有奇歸來

珍重承歡語寸晷銖絲悉

聖情

自假黔南節再移激昂何暇顧臣私陣雲重合驅貔虎

兩次校閱  
省標營伍

邊月初圓選駉驪

主校  
武闡

獻曝景畱冬日愛向

陽心喜故人知

謂海帆  
方伯

連旬衛幕虛相待待話巖疆慰

別離

重致清晨燕賀人

天慈到處與爲春憑償衽席三苗願容我袂華四月身  
萬竈風霜懷遠徼百年牛犢有新屯慎徼須念開疆力  
莫憚隄防長棘榛

感遇詩一百韻

我本田間人讀書隱鄉里弱冠母見背有父式穀似維  
時春秋富臯比擁經史誦我前人芬勗我君子履近慕  
應門龍遠慕趨庭鯉更有我大母皤髮在幃几含飴過  
晨昏隨行奉盤匱愛日方舒長此身永相倚何期一第  
後卅載馳驅委父也教之忠

先帝曰能仕文章慚金馬侍從儼繡豸一佐協中律再  
佐樞密匱北看上谷雲東飲津沽水西越秦隴道南作  
浙閩使東西南北身奉訓如在邇或以平肺嘉或以飾



簠簋或以求材賢或以鋤奸宄明明訓辭在舍此遇則  
詭庶幾勉所事勿遺生我恥乙亥我抱孫大母垂暮矣  
令德五世澤京華隔桑梓長官亟入告

詔曰宜褒美輝煌表綽楔存問列銀綺以此博父歡承  
奉共甘旨未幾孩孫殤不敢達書紙庚辰畏簡書遠赴  
無諸壘行經岐山陽冰雪雜嶮嶮驚聞大母訃寒氣森  
裂趾是年父七十恐懼傷髮齒急足走上言謂當節以  
理處內之飲食幸勿廢脯醢

新皇正教孝行役念采杞得間當陳情詎復戀青紫世

上風雲滿山中日月駛遠憶籍甫通迨我職初陲兩度  
曾歸來國國歌樂只下顧有弟妹同居有兄姊隨父侍  
大母融融瞻珈珥父曰兒速行安處人所嘗

朝廷自多才汝可供鞭弭

朝廷況多恩汝何惜臂指吾身正健在及此奮方軌利  
祿非汝愛但當資敬以自從辭家後迢遙將二紀險夷  
宦途常拙直臣心矢重荷

今上恩承宜長百爾驅車望白雲傳舍幾轉徙高高庾  
山峯渺渺珠海涘昔昔別離夢漫漫釣遊址夢覺址亦

虛蕭然一行李長懷尙慎言毋爲辱泥滓自我黔南來  
去歲月已已下車間疾苦用人辨臧否深山擒巨盜矮  
屋增多士黔俗苦寒瘠種橡謀帽裋黔人罕簡冊刊經  
廣緘皮發賑不待檄可憐澌水毀秋穫望曝場春耕厯  
澤耜勞勞吾豈能實乃庭誨俾

天子命我民使我求安救而況撫有苗日日防鼃蠧仇  
仇此征夫敢不每懷靡愛民者吾舉蠹民吾請穢

臨下鑒有赫此心幸無弛吾自讀父書本乏趨迎技安  
能隨俯仰與世爲阿唯自顧有父身流行坎斯止近得

家弟書間關達邊鄙首言

主恩重努力襄國是次言親年高多病頗思子

國恩有千萬臣責負何已老父七十五臣私從此始欲  
畱亂方寸欲去但依企以茲宛轉心約此短長晷

皇帝五載秋八月日在癸小臣吳榮光齋沐奮筆起臚  
此款款私乞

恩臣昧死告休四閱月馳歸慰省視當事拘勿達涕泣  
與長跪維時章未至

命再假節韓三軍頌

聖明感戴遍村市臣謹申前情再冒

天威咫尺自秋及孟冬屏營日思揣古人重無家所以賦  
陟彼柰何違常格

曠典妄翹跂一朝

天書到瓜代得邇邇遂此省親私

許以歸程俟

待海帆方伯接護交替

鼓舞百叩頭天地爲色喜曰

歸及歲首春酒進大兕承歡多子姓上壽逮妯娌海饌  
富饒鱸山田登秬秠由來肅羽鵠粲晏彰身雉更有大  
官俸馨香供金錡祇念兩代母寂寞重闌干勉告我老

父所事未失已此身幸乍有昂藏肉生髀

主聖臣何能體恤到蓬庫百物荷

天慈世界多福祉欣欣豈自私人願如此請謝山中  
儔功名勿傲屣

啓行日作二首

慚媿身歸拜慶年黔山風緊著吟鞭寒懷親舍將三九  
路憶

君門已七千鄉老雙橋多眷戀軍容南郭盡騰騫素餐

兩載曾何補只合臨岐散俸錢

黔南故事民閒祖道者  
席給百錢此行散至二

十萬  
有奇

多謝新詩祝老萊

和述別詩甚夥

離心無那夕陽催

護院學使司道在岡

雲關話別至暮乃行

雲關迢遞憐芳草

谷脚別地

棲遲問早梅

一飯豈能忘

北闕

九重猶爲眷南陔怪他到處人如蟻爭看

君恩教孝來

貴定早發

日出見嵯峨叢巉歷代過諸蠻分犵狁百戰定牂牁裙

帕三門洞笙竿八字河至今燒種地曾費幾弓戈

都匀府

南象咽喉接西巴肘腋長廻龍通小澗伏虎得橫岡九  
姓多遺裔孤城自夕陽蠻人千載後猶說尹懷昌

張三丰觀瀾處

陝北黔南幾度春神仙遊戲本無塵何妨峭壁澄淵水  
一照當年臘闕人

跳月

詞苗俗于月下踏歌  
野合謂之跳月

晚風涼透銀纓絡老蟾下地窺夜約水東水西同一聲



人滿山頭春滿壑溶溶雲氣照侏僂明月當頭二八時  
蠶繭蟪珠花並蒂馬髮螺髻草相思醅缸幾世合歡酒  
天若有情無妍醜烏杯湫漚醉連肩紫糯團團香在手  
漫說更苴與卡尤從今不用索婚牛百摺裙端藏錦袜  
萬枝竿裏認花毬蘆笙吹暖鷄毛色未婚者以沙鑼銅  
鷄毛插頭  
鼓齊無力烟圍土薦馬郎房牽袂歸來呼耐得妻曰  
耐得吁  
嗟乎星光露寒秋復春何不綢繆歌束薪

都匀道中疊述別韵却寄富海帆方伯並呈許滇

生學使

乃普

四首

揮手雲關別吟程計日還地隨供俯仰筆豈助江山新

險諸羅試長途一騎閒故人知念我幾倍鬢毛斑

海帆相見

謂余君恩多倍鬢華多之句

杖杜征車轉芙蓉幕府開畱連思每飯歷落數羣才歸

驛

天申檄

海帆受代係再奉諭旨

題襟日午盃街

恩春比煦一路載春來

余歲可抵家門奏明新

亂山圍客夜西望斗筐知

謂演生

風雪人歸候松筠歲暮

期明明鴻爪在勿勿塵譚麾怪底如珠氣連宵照路岐

歸去憐身健，昂藏置膝年。短長游子日，歡喜故鄉天。  
爨釜添新俸，經籬有舊篇。趨庭論客位，合數杜房賢。

渡鷄買河

一澗潏潏碧源分，劍水西幾家。猶祀狗列寨，但聞雞日出。  
猺獠集山深，斥堠迷攀援。來得鹿名山始覺向流低。

八寨

小登高接大登高，二山名縹緲披雲達九臯。山到玉屏皆

培去，瓊水窺龍井。有波濤連屯積雪，多于絮破壁尖風。

快似刀九十年前焚蟻地。

雍正六年平八寨

可憐籌筆幾人勞。

宿八寨寒甚

十二月初二日

今夕宿天際危城山作邪暝催千障匿寒逼一燈孤凜  
凜雲層合沈沈雪片麤懷歸吾已迷敢復憚征途

三足屯

由水路運給清江下江都江三衛軍糧之所原取三足之義土人訛爲三腳屯

一水風雲護千巖草木寒軍儲三衛足邊徼百年安今  
日供輸易當年道路難

太平多士氣尙作枕戈看

十二月初四日都江買舟

卽古泝水水經注所云南至鬱林東至蒼梧又

東至高要由番禺入海者也

曉棹送行旌寒灘尙有聲水分江福祿

在永從縣

人值月嘉

平黔鬱雙流合潯潭一色清三千南海路幾曲是歸程

古州

擺刺山前風雪急荒鷄叫徹新城邑烟平樹妥客帆過

萬疊巉巖相對立白頭老將爲我言九十四載干戈戢

雍正九年定憶昔溪峒多虬蜉漢唐及宋羈縻州自從奪兵

滇逆始

吳三桂由古州取道竄滇苗人遮獲大破軍器其勢愈張

烽燧居然煩捕揆

裏州外州數百寨滾宗方勝

寨名

誰其尤羊腸鳥道互出

沒往往伏莽多虔劉

先皇愛民赫一怒授之專閫講厥武自彼蒙叢至眚窳  
抗者必誅降者撫徼調西連百粵强桓桓籌筆有忠良  
握兵柳岸軍儲足整旅柯江士氣揚騰崖踔谷窮摧折  
火箭紅飛萬山血一發雙穿魑結頭千總周憲三更直搗烏  
蒙穴車寨之戰軍門涕泣呼蒼天螻叩蠅行幾萬千刻木偕  
來供兩賦枕戈待旦已三年雍正七年從古艱難論闢  
土至今珍重話安邊安邊代有

聖人作輦鼓應思張與鄂

諸葛營

卽今古州城

併力中原在北征攻心荒裔豈窮兵魚龍五月開雄陣

盧鹿

從武侯南征蠻人濟火之後今訛爲獐獐

千年拜古營九股

武侯戮苗存九人今

爲九股苗

笙竽無異志七擒鼙鼓有餘聲可憐渭水軍屯好

不與西南共削平

柳州立魚洞

柳子厚所記南有石魚之山形如立魚是也

山風粼粼引塵躅已到幽巖第幾曲吹開混沌得衆竅  
無數刁調來接續旁人云是立魚腹滿眼嶙峋肌起粟  
雲根下窺太古溜石氣橫吞大江淥江水江雲寒徹天  
畱此一窠作蜨局七百年來多尺書曹現登高興不俗

元祐年間假守曹現留題雙洞之西忽森陰徑欲前造苦無燭摩挲

蠟屐幾輩來當門巉石膩如玉多事仙人亦游興昨夜

東山伸一足

東爲天馬山山下有巨人跡

### 羅池廟柳子厚石刻

永州歸去夢木柳立魚駕鶴環相守此柳不向龍池栽  
來我龍城懾九醜李儀一擊死後魂魏忠幾度生前酒  
天涯種柳豈侯意取寄搖童與蠻叟才人到處有不朽  
豈必功名在朝右酸風兩眼看蕉荔定有白駒來點首  
鷺山峩峩老蛟伏幾家秔稻與鷄狗瘴雨炎風白石角



爲侯護此薑芽手爲侯護此薑芽手徹夜虹光貫牛斗

斷藤峽

何物大藤老蛟似能導蜂蟻橫江水五征不克諸峒嘈  
行人嘆息但切齒長官或亦過漁苛激之抗聚紛紛多  
始而莽穴肆熠燿繼乃瀧窟鳴魚鼉吁嗟有明此中葉  
西南一角容么麼雷霆目閃鬼神怒忍此江干弄桴鼓  
一朝奮揮斷藤斧掃盡煩陰開百堵百堵初開幾用兵  
韓蔡之後王文成勸君毋忽塘鰲臂聽到殘更第四聲

藤未斷時聞五鼓則起江面  
渡賊至今水更不打五鼓

右江十首

潭潯南接鬱林川懷古匆匆過眼緣欲向扁舟迴宇宙

曾無好筆寫雲烟荒陬龍象何年郡歷代狼麕此日田

武帝旌旗夜郎道

漢武徵夜郎兵伐南粵由此

有人青史紀開邊

謁帝方尋桂水湄丹州有鳥不勝悲天荒地老重華墓

江遠山深二女祠雲起蒼梧餘片土月窺斑竹長新枝

舜峯韶石分明在更爲何人證九疑

蒼梧帝舜葬處非九疑山

苦憶征南馬伏波勞勞曾此駐弓戈水連駱越蟾蜍去

風送樓船蕙苴多鑄柱威靈驚側貳還珠

清心跡動蛟

鼉可憐雙鼓淪胥再怒到灘聲第幾渦

伏波二銅鼓呀天啓間得之置

府文廟  
今失去

火山水井自高深問道長關撫字心椎髻萬家懷谷永  
赭衣百代祀陳臨賈琮巷路多遺戶陸績城垣但暮林  
幾許功名幾邱隴天涯容易鬢華侵

竟日風迴五兩輕好從桂海志虞衡斑斕裙髀槃瓠姓  
雜選笙歌混沌名赤蟻飛來烟有影金蠶吹去水無聲  
六千年後天南俗三百灘頭歲暮情

天遣韓公記柳侯才人生死愛名畱魚鷺似夢千餘載

猿鳥爲羣十五秋沙伺颺驚空悵怨樹重江曲亦離憂  
投荒尙爲人將母最感論交易播州

驚水湯湯叫九閨賢良祠墓日黃昏

劉黃祠墓

萬言曾讀匡

時策三斥難銷愛國魂死並湘沙應吊屈生如螻蟻亦

知冤

螻蟻卿土事

文章憎命從來事豈料裴

度

韋

處厚

爲覆盆

廿四峯前好黛鬟悠然南望見南山

右江最名勝處

石巖風定

神仙去丹竈雲深歲月閒千蝠有靈開洞戶九蟾何暇

在人間盈盈鸞鶴橫眉水了了琴箏大弩灣

秦觀龔夔競流移來訪融州黨籍碑僕射小人真快意

君主大筆豈深思冠裳黑白誰千古簪笈倉黃又一時  
一百三人三百九尙煩殘石辨蘭蕖

蠻烟方靜水方長多少英雄汗馬場藤峽銷烽勤四帥

都江通道閱三霜勝朝鼙鼓推新建

破峽四次得王  
文成始撫定

今代麒麟在瀋陽

都江平苗功以  
鄂文端爲首

黔粵咽喉天險地千

秋珍重說金湯

### 入粵東境

波聲迤邐帶人聲到眼雲山忽自驚一樣風帆無客夢  
數枝烟櫓有鄉情乍經擲硯沙猶潔欲溯沈香水更清

莫道扁舟輕似葉

恩綸重疊壓歸程

檣硯沙在肇慶  
沈香水在廣州

題邱氏唐荔園記後

荔園歸之唐證以曹松句新火與丹砂畱得幾窠樹劉  
鋹亦因人只此免種賦可憐昌華苑民力窮趨赴朱門  
酣笙歌白骨在行路迢迢千餘年懷古感霜露何如鄭  
司空爲霖庶無數文酒迭廢興花鳥有新故作詩問邱  
子幾日紅雲暮

峽口晚泊和樸園弟韻

扶胥西去樹連空兩岸烟巒一夕中山認松楸風乍穩  
人歸桑柘雨其濛沙堤草色搖波綠水國燈光入夜紅  
最喜鄉園春事及家家田壤祝長種

題呂子羽

翔畫葉雲谷農部所藏

眼看春色問秋緣歷歷山川越舊篇感遇江湖數風雨  
徇知毫素老雲烟前身誰佐王維筆此本宜歸米芾船  
讀罷幾回懷息壤迢迢鴻雪廿三年

子羽詩爲予畫久未至

### 石門阻風

雨氣浩相捲日光沈未開風雷窺進止心跡與遲回友

待招舟涉人懷作楫才蒼茫湖海意併入夜深杯

鴉岡曉發

春風似虎渡江水鴉舅寒噤呼不起舟人忽報早潮生  
歷亂羣巒一篙指衝雲駕浪好烟寰村舍人家第幾灣  
欲把雙篷比雙鬢卅年蹤跡負青山

題邱浩川引痘略

以西洋牛痘新法粘童子兩肘三日即出出後復取新痘相引

別童此稀痘最善之法

肘後占牛掣新方妙入神簡如棼引乙捷似火傳薪省  
識金環夢全回繡襦春散花天女手邂逅見斯人



相對岡

一笑大江橫兩山相對出陽厓已翕暢陰壑尙蕭瑟嘉  
桂好烟鬟東望碧峯岑百里走陂陀到此氣則佚故山  
芳草多況入東風律及此惜春心扁舟溯清潏左采角  
里芝右刷商邱尤卅載勞人蹤一夕詩人膝呼山如有  
靈爲我畱一一迢迢猿鶴帳蒼莽雲烟筆他年雙幅成  
何處韋與畢

赤泥舟中四首

迢遞松楸隔一程風聲寒凜送波聲東西南北歸人路

滿眼雲山看未明

料峭山家插柳門連天芳草正黃昏江流曲曲東風急  
春在杏花何處村

歸雲飛鳥不匆匆剩有春心對晚風兩岸夕陽人倚棹  
隔江開到木棉紅

越遍蠻雲與瘴烟故鄉風雨話今年詩蹤宦跡勞相問  
請看春來上水船

題唐荔園圖

曉棹溯江灣灣頭屋數間紅雲多傍樹綠水自爲關使

東坡先生集卷十二  
者風流遠詩人日月間曹松佳句在指顧此河山

蒙

恩歸省題望雲圖示樸園弟及家園兄弟再疊黔中述

別韻四首

圖爲余在黔  
書寄樸園者

廿八載間關今朝又得還春光畱四月雲影憶千山人  
愧陔華補天容翰墨閒應門來父老共訝彩衣斑  
回首懷歸日山雲幾處開八閩觀海氣十驛數邊才秋  
雨吳江棹春風富水杯依然頭角在爲話客蹤來

與子論家國

恩私我自知馳驅

兩朝許喜懼百年期拙宦忘夷險虛名任指麾迢迢歸  
鳥翼三度感臨岐

三往今三返駸駸少壯年共欣來者日猶是去時天屈  
指常珍秋關心靡盬篇披圖同慰意賴汝鼎裊賢

題伍春嵐

元華

聽濤樓圖

大海風濤氣蒼茫一盪胸萬籤揆逸竹四面種喬松黃  
木幾灣水白雲何處峰愛君論坐帖半日作書傭

所藏宋拓

坐位帖  
最真

省親假滿北行述別四首三疊黔中韻

無那今朝別先斬異日還依違此

君父身世幾關山水自思源飲雲甯戀岫閒詔行人正

健拄杖過眉斑

用杜句

帝錫歡娛日親年耄耄開最難依膝別況乏匪躬才篤

促門前檄纏延渡口杯

葉雲谷農部春塘上舍伍東梧學博妹倩陳夢濱家弟奉璋宏

緒樸園庶庵礪生先後餞別于佛山沙口

長安原不遠端爲教忠來

浩蕩長途暑透遲有弟知

重謂樸園

萬端行旅夢百事寢門

期受命如雛鵲銜

恩豈戟麾舉家憐去住同勗慎前岐

舊雨親賓話

新恩壯盛年商量忠孝事感激

監臨天屬別詩千紙徇知字幾篇八旬歸養例望我及

親賢

敬計吾父年務八十循例告養

西水驛

雲山杯酒幾逢迎催我長風挂席行兩岸綠陰千里棹  
聽來三十六江聲

宿清遠峽

暝色宵陰沈扁舟天地心蛟鼉窺峽老雷雨伏巖深急  
浪寒雙鬢長風浩一襟夜闌看劍氣不必問猿吟

食魚

才侍寢門膳來餐出峽魚江流應不遠風味定何如羹  
手前宵囑緘腸異日書寄言中饋主每食幾躊躇

長風

滿目蒼茫滿耳聲長風相送此宵征千波激灩月爲界  
百里空明雲不行漫與江山增寂歷善知夷險感平生  
宦途荏苒詩心暮快意如斯得幾程

風度樓二首

滇江東溯曲江洄寂寞高樓對水隈  
萬樹梅花開嶺後九霄仙鶴駕雲來  
山雛不殺天如夢海燕將歸世可哀  
華省功名滄海影似公何愧保身才

開元名相幾金魚風度如公孰得如  
大典官儀良史筆十章事鑑大臣書  
鸞鳬遣祭終何及蛙黷盈朝豈易居  
杜詩天池日蛙黷獨對波濤理烟艇  
桂山雲樹正愁予

南安府牡丹亭戲題

夢是春光醒是園虛空亭榭孰爲存  
茫茫生死花無蒂



歷歷悲歡月有痕燕語鶯歌名士影雨絲風片美人魂  
離騷芳草吾能記怕向人間種愛根

雙江道中

一雲障日散金采下絮萬雲天作海日光三面照雲光  
無數雪山爭礧礧忽思海上三神山山在青冥杳渺間  
有客曾經風引到迴翔福地看烟鬟如今却與雲分路  
雲路漫漫何日度滿地關山八載人連天波浪雙江樹  
回頭雲散吾亦行胡不因風灑潤慰此望雨之蒼生

時方

望雨

觸熱二首

觸熱棹低昂迴環迫日光有虛充嘆氣無處避驕陽赫  
赫嵐陰昡騰騰水氣蒼關心歌解阜

殿角有微涼

向夕暑逾蒸雙蓬圍一燈蟲聲添瑣碎蚊喙太欺凌汗  
屢盈襟袖焦看到藕菱故園人扇枕正待月華升

十八灘

諸鼈石蹒跚橫竝天柱作小壺與銅盆陰陽會神各其  
下曰金灘崑崙曉舞索小蓼大蓼棉漂神何所託最後

尤急險黃公正矍鑠是時水方漲漫漫相擊搏近者如  
蛟拏遠者如燕掠縱如巨刃揚橫如生鐵絡大波凌巉  
巖小波露垠堦頃刻走雷霆隱見或鼉鰐槎枒衆魅伺  
洶湧萬馬躍神手較分寸鬼膽爭強弱篙師色乍變耳  
目紛惶愕吾曰慎爾行鼓勇爾侔莫賦命輕江潭吾生  
幾飄泊倚爾此一篙勿擾吾九禽百夫競喧呶千息亂  
橈篙風打水欲退水猛風稍却風聲助轟厯水氣愈霏  
霍奔折辨一綫凌空數羣碣凜凜三百里千丈勢一落  
竟日灘盡度安危話今昨舉酒互慶幸快意天所酢濛

濛濛霧開赫赫歆雲惡長歌吊古人山川俱寂寞孤臣

寄惶恐

蘇文忠文信國

廉吏懷開鑿

趙清獻

逝者已如斯身名水

一勺迴問十八灘灘聲但騰遄梁口暮鐘來平沙起雙

鶴

### 由黃公灘至萬安作

雲飛山走打頭風十八灘聲念教忠三伏月殘驚黑博

六經水險說黃公

經由第六次矣

兼天波浪雙長鋏滿地江湖

一短篷回首臨岐嗟尙慎今宵人在萬安東

### 豐城夜泊

莫邪雙影妻去干將說劍人來問水方牛斗在天干氣  
象風雷殷地一蒼茫中宵或有蛟鼉嘖上界應隨日月  
光烟樹萬家波似鏡知君芒角早收藏

登滕王閣二首

幾輩賓僚幾逝川登高能賦有前賢客來王後空高閣  
文讓唐初此一篇好事只今多榮戟才人終古感雲烟  
何堪洲館論風景我已重來廿九年

恰向南中慰省親經過仍作坐中賓千年天水秋爲色  
一夜江風筆有神圖記韓退之王仲舒懷後起晨昏簪紱話

前因馬當欲借迴帆去閣上無須作序人

鄱陽湖歌

北度大庾嶺千水百水從我來千里來到灌嬰城西南  
衆水相併賅狂歌大叫吸不盡漾爲三郡四百里之潏  
潏豫章兼天白日動彭蠡割地滄溟開此身此水爭遲  
徊是日東北風大作水勢欲東風倒却雹雲隱隱浪花  
惡沈冥萬頃誰汗慢淹冉雙篷畏飄泊雹遲風急不相  
禦一片蒼茫雨如霆襍穢俄驚六月寒帆檣直守三朝  
暮詰朝宿霧如吹雪榜人忽報揚帆風擊楫直指天北

東快意飛騰去驚心瀕洞中冷然善也人行空聲來奔  
擊萬馬壯勢在組練千夫雄遠視微茫岸一綫餘者直  
與雲穹籠幾代椒邱土何年昌邑宮高詠庾江州大節  
陶威公豪雄千古浪淘去但是兩眼兩耳皆溟濛回頭  
風息一笑大江淨波濤忠信吾安窮不知匡君躡我後  
萬峯相送到湖口七賢五老與我論舊識遺我天池一  
斛酒我不飲酒豈仙友是日有客饒匡廬酒一斛但願五年息壤人  
再來辛巳曾入匡廬柳白石淨無垢勿勿笑風塵走

大姑山

女兒港口風娟娟夕陽澹照孤鬟偏湖波到此漸平緩  
峯影欲與相遷延幾株花香待殘月四面水氣圍蒼烟  
明朝相見那與尹看到小姑大江前

小姑山

朝風乍涼水波急大姑南坐小姑立潯陽九派天低徊  
彭澤一峯露厭浥靈旗斜颺有層臺高臺下瞰無平隰  
迴舟欲泊輒引去亦知解珮嗟何及

過馬當山

兼險曾聞陸魯望崖奔波逐太飛揚八年水驛還山驛



今日平安過馬當

梁芷林權蘇臬篆葺滄浪亭徵詩今三載矣途次

補寄

又是西陂放鴨翁北碕房奧撥蒙茸遠懷法吏壺觴會

欲問詩人水石蹤風月有情歸笊簪衣裳何意集芙蓉

清吟我較王朱劣

宋牧仲葺滄浪亭會徵阮亭竹垞詩

報爾三年字一封

皖城懷古二首

皖公山色大江聲閱盡興亡與戰爭古樹自環朱邑墓

陰風長護呂蒙城界連烽火

山名

分南北國徙楊槎

洲名幾

變更獨有龍眠莊上客朝朝巖壑繪陰晴

大小喬過大小山美人名士自人間生論才調矜閭里  
死讓英雄濟險艱野墓歸魂塘草碧靈祠遺血石花殷  
清溪青水西南路恐有雲旗夜往還

攔江磯

長虹天半飲奔瀧碕影波聲兩未降極目滔滔風浪惡  
更誰堪汝作攔江

太白樓

在采石磯上

謫仙長生月不死此月此樓此江水江水湯湯濁如酒

我欲爲公酌一斗酒一斗詩百篇北弔夷齊讓國之古  
賢東上泰山頂手攜綠綺招飛仙西望長谷嗟蜀道之  
難難于上青天不如南行洞庭訪二女猩猩唬烟鬼嘯  
雨九疑如夢海水苦發舒忠憤雲吼怒蒼梧斑竹與終  
古又不如歸來捉月江上亭牛渚水怪森精靈萬載此  
江水今夕好帆艫每飯宮錦袍相望金馬庭鳳凰浮雲  
尙不散蛟鼉夜氣空沈冥仰天一笑杯在手舉杯喝月  
月與杯俱停月影有我我影有杯相憐相酌相徘徊試  
問舒州杓何如北斗魁賀監知己聊買醉張垆讒人安

在哉潯州樓船不足噓汾陽奏疏徒憐才世間萬事付  
江水但須與月痛飲曾懷開萬劫不墮糟邱臺樞衣欲  
執酒家役公已仙人我過客我有綠沈管公有青山石  
李青蓮  
葬處江月江波照無隔作詩不似公勿怪付與後人  
疑李赤

礧礧夫人祠

大江西接蜀川奔悵望君王幾度恩弓劍夜歸桑蓋影  
珮環朝拜杜鵑魂劉郎浦在雲先冷白帝城遙日已昏  
此水滔滔家與國誰從啼血認潮痕

秣陵二首

龍蟠虎踞幾何年，過客新河一繫船。  
千里雄風吹楚雨，六朝王氣在吳天。  
朱衣競說方山鑿，青蓋將行直瀆穿。  
多少英雄徇讖緯，埋金壓勝最堪憐。

長江京口走潺湲，逝者如斯去不還。  
漁網雙寒揮扇渡，旅燈孤炯覆舟山。  
新亭風景人何在，故內歌鐘水一灣。  
今日東南開府地，

太平河漕但防閑。

登燕子磯望江作

大江決漭來石燕爾何物羣喙敢下窺差肩成鬱蔚若  
是不可磯告爾防沈沕不可磯我何來我來一笑登崔  
嵬四圍野樹一邱隴滔滔六朝安在哉山餘吳晉風雲  
氣水怨齊梁烟月才夕陽欲下飯鐘早寺荒但覺殘僧  
老何論滄海三成田此江無邊今有邊潮汐幾回沙岸  
起一洲中分兩江水蘆葦蕭蕭五百年麻芄芄三四  
里我問石燕如有知世間人事幾推移君不見此地有  
風亦無三尺浪行人尙說黃天蕩

阮梅叔珠湖漁隱圖二首

甫出山人訪隱漁忙閒心跡較何如羨君璧社湖中水  
七尺絲竿一卷書

我讀尙書八念詩

阮芸臺師

珠湖魚稻繫人思問君山水方

滋筆可有池塘入夢時

### 鄒城阻雨

寂寞諸侯國棲遲老屋人乾坤一傳舍文獻百年身坐  
入沈冥夜心懸瀕洞津不徒行旅苦飛鴈在河濇

### 新晴

狼藉征衣滿潦痕新晴山驛易黃昏穉梁獵獵聲如雨

乍聽猶能愴客魂

劉智廟

省識元時社于今已廟庭無猶兄及弟有恥禮非刑念  
悻亡羊牘雍容式燕瓶怪他身教易風俗有王青

省親假滿入京蒙

恩召對

垂詢

臣

父近狀甚詳感激恭紀二首

未問蒼生

問所生



聖慈先到一家榮八旬

天許椿庭秩四月人懷竹國程到處

推恩皆衽席況逢

教孝及區羹鄉園他日傳應遍父老偕來話

太平

此次蒙

垂詢道路曰河甚悉甫入卽先問何時到家汝父年紀若何飲食若何皆一一實

奏惟奏至臣父今年七十六正未艾也

上曰尙未入十年齒

憶乞

恩旋一紙來寢門歡慰百懷開老人幸駐桑榆景

聖主猶憐苜蓿才舊有廩糈思每飯新攜官俸愧循陔

教忠此際憑何報惟誦

溫綸日萬回

上天恩高厚准假何時病愈奏言

皇

激歡慰卽日病退實出再造之施又問汝父

會否出仕奏言臣父爲生員食廩餼十餘年嗣以屢考

不中報捐教諭

上曰會出身否奏言未出身

上

日何以不出奏言因年紀大行走不便是以未出

同懷弟彌光樸園編輯

子尙忠春卿

尙志任卿校字

石雲山人詩集卷十二止

石雲山人詩集卷十三

閩藩詩存

丙戌丁亥  
戊子

南海吳榮光伯榮

月二首

丙戌八月初六夜

一萬五千里迢迢此月明關山環

北闕將校奮西征

聖主方籌筆書生欲請纓相望貔虎隊早晚到邊營  
有討無韋紇威稜大將刀臨衝看指顧轉餉亦勤勞  
天意期俘馘羣公早韃橈他時歌杖杜或許貢葡萄

備藩閩省蒙

名集卷之三  
恩召對恭述二首

帝曰汝榮光承宣此海疆萬民勞貢賦十郡最循良閩  
水應恬晏澎湖正迪康迢迢六千里望汝有甘棠

九載辭

丹陛甌閩此再行才慚寄屏翰心只戀

都京吏計將三載

明年大計

邊儲在兩征微臣懷耿耿何以

荅

昇平

泰安道中

秋氣四圍霜欲曙日光東射爭寒煦日壓霜痕化作烟  
烟外青山烟裏樹須臾日高烟漸空但見蒼蒼松柏路  
行人已苦支離骨僕夫猶憐彳亍步可惜匆匆過眼去  
病軀難與詩境赴何時重登日觀峯徜徉遂我烟霞痼  
迴頭廿載飛鳥兔

余以丁卯登岱距今  
丙戌剛廿年矣

### 述病六首

一病驚秋老纏延越八旬雲山游子路風雨旅人身勞  
入中年景忙看萬古塵朝朝望  
北闕尙隔幾關津

苦憶齊州潦饑驅廢寢餐霑霑侵骨易風火鎮心難避  
瘡憑何術逃禪強自寬谷神聞不死山鬼柰相干

勉矣瞻

天去

天言力正強

力疾入  
年力強壯之

觀奉有  
諭卅年勞

參養七尺愧昂藏身豈臣私有齡憑

帝錫長再生殊自慰曾照好

恩光

三載春明友同關客旅心別離憐況瘁身世感浮沈共

訝杜陵瘦那堪莊舄吟聯牀還有弟佩芳下第在京相望到于

今

尙記趨庭語兒身本健頑

臨行家嚴諭以道塗暑熱一切節慎謹對以兒身甚健途

次向無疾病

如何新別後便改舊時顏父教原忠蹇

君恩忘

去

險艱明朝有安問不敢訴痼瘕

裹藥閩山遠尋醫浙水隈菊看方瘦影樗想曲全才往

事嗟猿臂

嘉慶壬申臣中箭二枝近因臂痛敬憶及之

睿皇帝校羣臣射

新方問

燕胎

芝名服之可仙

最憐諸父老爭認鬢華來

蟬中七佛詩



屠琴塢太守夜夢見七佛旦而得之真州禪寺  
所供蟬壳中恰符其數

圓空色相辨毫纖肯信根塵出蟬匱七寶龕成剛位置  
千金碑刻遜莊嚴法池原有淨華水仙解誰分雲笈籤  
欲向夢中參妙諦明明珠斗挂涼檐

保安秋盡

千里叢殘路登高說保安秋心增慄慄病骨怯盤桓水  
接東西峽山分大小竿明朝冬愛好杲杲萬人看

宿清風嶺

冷然善也御長風風在先生兩袖中袖底月輪明似鏡  
鏡邊烟黛翠如籠延津夜氣雙芒起滄峽波聲萬壑通  
莫訝上方清澈甚會來大地布沖融

重至福州作二首

萬山過後萬波平古瀨微茫大小盈

大盈瀨小盈瀨皆地名

說到

知津身漸老憐將監水影猶清竹崎梅浦

地名

都無恙雨

笠烟篷倍有情多謝故人相問訊病夫何以慰蒼生

七閩海氣迥蒼蒼五載重來一葦杭襟上已無多舊雨

鬢邊應得幾新霜兒童竹馬年非昔父老桑蠶話正長

到處聚觀吾自愧可能心力計綏康

重至鳳池書院考校示諸生二首

五載

奎章大雅輪

御書扁日  
正學明道

天南文學一時新考亭風

月懷三舍夾漈津梁遍八閩左右竹宜佳士坐葦蕪桐

是吉人身覽輝臺畔朝陽好慚愧祁祁問字頻

曾憶經營此講堂東瀛佳氣歲重光夜燈結習書千卷

捐置書院經  
書二千餘卷

秋館離心酒一觴

壬午九月與諸  
生話別院中

羊脚星

霜真荏苒鳳毛霄漢幾迴翔天涯高朕圖中影

漸行留  
小照爲

別  
煩認重來鬢漸蒼

孫平叔官保

爾準

撫定全臺歸而籌辦善後駐省

一月述職八都途次寄懷二首依韻奉答時官  
保已將南返矣

袞繡東歸賦渚鴻一時戎馬靖慳忽枕戈五月瀛嵌定  
籌筆三旬策力同天送雲山雙節外人行燈月萬家中  
奏膚此去疆臣履是處春田有茁蓬

順道簡  
閱軍實

手捧

恩綸式八鴻趣歸棠舍亦忙忽詩陳韓謝朝儀備書紀

章平世澤同

哲嗣晉秩

百福旌旗來日下連圻笳鼓奏天中

雲端若問依人鳥慚愧頻年逐走蓬

鼓山紀游四首

晨籃出東門心目始一快晚稻已盈疇清泉自疏派前

望碧趲趲始覺廿里屈少憇整腰脚朝瞰出山砦四兩

謝公屐一幅將軍畫天風琴筑音雲路松篁界獅峯何

昂藏鳳池紛緯繡戔戔湧泉寺飛構雄鎮寨

郭景純云高山鎮寨

龍徙僧乃居荏苒日月邁而我山水滋未遑筇笠話石

氣起雲膚日光動梵唄倘有甘霖來爲我民再拜

時頗望雨

山蕩照萬蒼秋氣走眾葉不覺所厯高爲有魚唼喋何  
年放生池上借靈源浹江湖吾亦忘鉤餌爾何憚本非  
連鰲手貸爾得水鬣洋洋蛟蜃姿翊翊風雲接下方雷  
雨至升天路較捷

六十磴盤桓山瘦秋亦瘦石骨各堅寒林影轉疏秀我  
慚山澤癯竟得烟霞寶猿峽散蒼瀟龍泉飛碧溜多事  
喝水人順逝胡逆湊留此西澗泓使我相邂逅雪鳥闕  
太古苔蘚澹清晝澄明心一漑芳潤手再漱何處來好  
風泠泠滿襟袖

嵯岬兩石間一隙沿山陁同游足不前欲度防合局蹇  
衣側身進獨到水雲亭閩江莽南浮如綫通東溟東溟  
但一勺欲勺心竚竚迴顧五虎伏數點烟螺青野日照  
荒荒天風吹冥冥大雲挾雨來陡然毛髮醒山色此蒼  
茫霸氣徒消零我欲問興廢夕陽在鴉翎俯視好城郭  
萬戶千畦町下院飯鐘忙炊烟出林垌

七月七日偕鄂雲浦廉訪

順安

何寅士都轉

煊

王

孚遠觀察

維誠

由靈源洞至鳳尾亭作二首

不覺山高洞峪深泠泠琴筑好仙音水如喝退無生滅

石已忘歸自古今絕壁蒼涼雲並倚危欄迴合鳥相尋  
松根恐有丹爐在一叩盤陀度世心

振衣千仞撥雲烟招手奇蹤我得先一勺海光收眼底  
四圍山色照杯前摩厓趙宋參書派列嶂荆關有畫禪  
莫把紫簫吹引鳳恐驚鳩鵲到橋邊

登釣龍臺

紛紛逐鹿中原走東家別驩西烹狗白蛇已死赤蛇飛  
海濱容爾屠龍手秦楚之際匝月間潮聲山色一竿閒  
風雲夜護英雄氣組練朝明水石灣李冊審知劉冊丑



千年此地數杯酒新市堤荒秋燕歸流觴亭廢寒蟄守  
到今蒼莽尙高原臺耶人耶誰並存萬家烟雨雙魚嶼  
九海梯航五虎門我告明禪來郊甸如此

太平經幾見海天寥泐付詩人坐對羣峯青四面

題陳恭甫戀雲圖

出山爾何心滄然被卉木歸山亦何爲真氣滿巖谷巖  
谷森以清護此猗猗竹朝霏南陔蘭夕灝東籬菊身隱  
文益彰餘光照鄉曲嵯峨九仙山山在東海間東海多  
仙雲蓬蓬十畝閔胡然慶霄光而爲神霧斑精華會有

期紉縵陳星圖於戲孤雲一角天一握多少蒼生望閭  
嶽

送倪竹泉觀察

琇

秩滿入都二首

天上求賢日人間報最書七閩謳已遍一鶚薦何如鷺  
嶼分符久螺津贈策初他時

清問及好告足邊儲

君捐義倉事大府將以入告

昔昔感同羣霜臺玉署分

太平朝野事清秘論思文荏苒風塵影消磨翰墨勲長  
安逢舊侶爲話欲歸雲

三月念三夜夢告養歸嚴侍相持歡慰曰吾今可

以不促汝出山矣榮光謹對以蒙

恩許養不復出山因歷話在閩在黔所理公事或詰或

獎欣然有喜醒述二律

一夜相思切迢遙入夢來宦成歸計得親健笑顏開歷

歷閩黔事明明祿養同此身如可乞有日慰庭階

此生無別念只有負

君親旅進三年跡計庚寅可懷歸五嶺人已欣婚嫁畢

小女念六且耐薄書頻預報歡娛景今宵夢是真

日于歸

題許甌香畫冊許名友閩之侯官人畫十二頁山

水九花竹三爲其六世孫香士上舍所藏

夕佳樓畔夕陽鮮數到根塵二百年過眼雲山增感慨  
稱心花竹自便娟早歸茅屋人三絕欲考蘭亭世六傳  
小印章暉看綵綵墨池福過米家顛

同懷弟彌光樸園編輯

子尙忠春卿

尙志任卿校字

石雲山人詩集卷十三止